

所藏書目

冊一 數部	漢書門	番號
	經	
	書	

三

三

三八

1399
vol 38

禮記正義疏卷第三十六

特牲饋食禮第十五之三

長兄弟洗觚為加爵加初儀不及佐食洗致如初無從。

正義鄭氏康成曰大夫士三獻而禮成多之為加也不

及佐食無從殺也致致於主人主婦賈氏公彥曰如

初儀者如賓長三獻之儀但賓長獻十一爵此兄弟長

加獻唯有六爵洗觚為加獻一也尸酢長兄弟三也獻

祝三也。致爵於主人。四也。致爵於主婦。五也。受主人酢。六也。敖氏繼公曰。無從。謂所獻所致者。皆無燔從也。無從。則不啐酒而卒爵。亦其異者。

加爵之義有二。一。比於侑食勸飽之意。一。使長兄弟衆賓長得以伸其敬也。及祝而不及佐食者。佐食與旅而祝不與。旅非但禮殺而已。加爵而後致爵。亦所以伸敬於主祭者也。加爵用觚。所以別於正獻也。致爵於主婦。既乃更一觚。以自酢。故篚實二觚焉。酢訖。降奠于篚。

陸氏佃曰。九獻之外。謂之加。明堂位曰。加以璧角。璧角是也。蓋卒食之後。其豆謂之加豆。以其加於卒食之後也。卒獻之後。其爵謂之加爵。以其加於卒獻之後也。陳氏祥道曰。士禮。主人主婦賓三獻。又爵三。長兄弟賓長利獻之也。下大夫。主人主婦賓三獻。又爵二。賓長與利獻之也。上大夫。特主人主婦賓三獻而已。蓋士與下大夫無賓尸。故有加爵。上大夫有賓尸。故無加爵。天子諸侯有繹祭。又有加爵。禮所以隆於尊者也。

大禘十三獻說者謂九獻外加爵三通嗣與奠爲十
三獻禘與時祭無加爵止有九獻竊疑特牲少牢大夫
士四時之祭也大夫士有加爵而天子諸侯反廢加爵
之禮於理未合疏蓋本之崔氏姑存以備考

右長兄弟爲加爵

衆賓長爲加爵如初

正義 敖氏繼公曰如初亦如亞獻也此亦無從尸祭酒
啐酒而爵止

禮記

鄭氏 康成曰尸爵止者欲神惠之均於存庭賈

氏公彥曰加爵停之使庭行旅酬

大夫 賓尸尸作三獻之爵遂繼之以旅酬是尸自行

其惠於廟中也士不賓尸則尸不出堂而行旅酬之禮

矣故於加爵而爵止所以示致惠之意而使上下同其

愛內外致其忱至於既醉而止也蓋三獻以申敬故爵

止而上下內外無不獻焉斯以廣敬也加爵以盡歡故

爵止而上下內外無不酬焉。斯以合歡也。

鄭氏繼公曰。鄉者三獻用爵。其爵止而主人主婦之致亦用爵。蓋故尸器而用之也。此爵止之後室中及庭中行禮者皆用觶。則此加爵亦常用觶矣。尸爵止於舉觶之節。又欲觶之徧行也。

加爵不言用某器。蒙上文洗觶而言也。下記云二觶。長兄弟加爵並用之。既則奠于篚矣。眾賓長同時加爵。其用觶可知。教氏用觶之說未足據也。

右眾賓長為加爵爵止

嗣舉奠

鄭氏康成曰。嗣。主人將為後者。賈疏不言適而言將為後者欲見無

適長立庶子及同宗為後者皆是舉猶飲也。賈疏舉而飲之使嗣子飲奠者將

傳重累之者。賈疏將使為嗣牽累崇敬承重祭祀之事賈氏公彥曰。奠即

上文祝酌奠奠於銅南是也。教氏繼公曰。舉奠謂舉

奠觶而飲之。重適故特為此禮。是惟主於有適者言之。無適則已。孔氏穎達曰。因嗣子舉奠觶飲之。自是以

後因號嗣子為舉奠。

禮記以傳宗廟之重言之曰受重以承祖宗之貺言之曰舉奠祭祀之陳饌以奠而成嗣舉奠則雖在子弟之列而已付以他日祭祀之事矣既醉之詩曰君子有孝子孝子不匱永錫爾類是公尸之所以嘉告而祝其勿替引之者也其舉奠必在加爵爵止之後何也加爵則室中之禮將畢矣若待旅酬而後舉又無以行吾敬也惟於爵止而舉奠可以明前人之保佑其子孫焉於其舉

奠而洗酌又可以明祚胤之致孝其宗祖焉其序在長兄弟加爵之後而又在兄弟弟子舉解之先情深而文美也。

論語鄭氏康成曰記云登餼以上嗣謂君之適長子也。

又云尊祖之道也謂上嗣祖之正統也大夫之嗣無此禮辟君也。孔氏穎達曰大夫嗣子不舉奠則此舉奠者天子諸侯及士之子禮郊特牲云舉尊角詔妾尸天子有奠等諸侯有奠角在於饋食陰厭之時設饌於奧。

奠於鉶南迎尸主而入即席東面尸舉所奠之尊祭之至九獻之後嗣子舉所奠尊飲而卒爵所謂受爵也大夫之嗣子無舉奠避諸侯士卑故不嫌也

大夫辟君士卑不嫌此通例也但天子諸侯所以有上嗣受爵之禮者以天子諸侯繼世為君而卿大夫不世爵故其嗣子不遽行舉奠者不敢以卿大夫自居也士之子為士者家有之故其嗣子得行舉奠禮亦即乎人心之安焉耳

盥入北面再拜稽首

敖氏繼公曰盥盥于洗也再拜稽首重尊者之賜也北面亦於戶西

再拜稽首者惟主人而已嗣繼體亦如之不敢當西面之位故北面

尸執奠進受復位祭酒啐酒尸舉肝舉奠左執觶再拜稽首進受肝復位坐食肝卒觶拜尸備

答拜焉注古文備為復

欽定儀禮通考 卷三十一 牲饋食禮

四敖氏繼公曰奠銅南之觶也。肝卽臠之加於菹豆者也。位室中之位也。坐卒觶亦異其室中之禮。凡子姓受主人之獻亦立卒爵不拜既爵。鄭氏康成曰食肝受尊者賜不敢餘也。備猶盡也。每拜答之。賈氏公彥曰直言受肝明有鹽。下記云佐食設豆鹽是也。受尊者賜不敢餘。食若不盡直云嚼之而已。

五凡廟中之盥或爲薦或與執事。上文舉奠者盥入欲自潔以洗酌也。尸執奠舉肝必親亦猶親舉角執黍以

授主人也。

舉奠洗酌入尸拜受舉奠答拜。

六鄭氏康成曰嗣舉奠因而酌尸天子則有子孫獻尸之禮文王世子曰其獻則以上嗣是也。

尸祭酒啐酒奠之舉奠出復位。

七鄭氏康成曰啐之者答其欲酢已也。奠之者復神之奠觶。觶齒於子姓。賈疏姓之言生子之所生謂孫行者嗣亦孫之流故齒之。凡非主人升降自西降。賈疏曲禮云爲人子者升降不由阼階是也。敖氏繼公

曰舉奠酌以進尸。反尸之奠。解耳。尸祭啐奠之如初。新之。李氏如圭曰。啐而奠之。與接祭時同。

國奠不舉。或祭畢時。與薦俎敦同。改設於西北隅。與復位者。嗣復阼階下西面之位。注云。嗣與子姓齒。此惟階下無事時則然。若以宿尸門外之立位。與登餽上食之位。觀之。則嗣位在長兄弟之上。重適也。

右嗣舉奠

兄弟弟子洗。酌于東方之尊。阼階前北面。舉解

于長兄弟。如主人酬賓儀。

國鄭氏康成曰。弟子後生也。

賈氏公彥曰。弟子洗

解。酌于東方之尊。阼階前東而獻。長兄弟。長兄弟北面。拜受。弟子奠于薦南。長兄弟坐。取解還西面。拜。弟子北面答拜。長兄弟奠于薦北。揖復位。故曰如主人酬賓儀。敖氏繼公曰。如主人酬賓儀。是亦在長兄弟之右也。

此有代主人酬長兄弟之意。故位與主人同。主人酬賓。奠解于薦北。此則當奠于薦南。而長兄弟則取解還西

面奠于薦北也

兄弟弟子謂兄弟之弟若子一人也

右兄弟之弟子舉解于其長

宗人告祭胙

胙支膚反

鄭氏康成曰胙俎也所告者眾賓眾兄弟內賓也

賈疏知無長賓長兄弟者以初得獻時即祭肺於階上其獻長兄弟如賓儀則亦獻時祭可知獻時設

薦俎于其位至此禮又殺告之祭使成禮也其祭皆離

肺不言祭豆可知

賈疏上文言薦俎設于其位薦即豆也

敖氏繼公曰

所告者眾賓眾兄弟內兄弟也公有司私臣亦存焉記

言眾賓以至私臣皆肴胙膚一離肺一又云公有司獻

次眾賓私臣獻次兄弟將羞乃告祭胙蓋與燕禮大夫

祭薦之意同

注謂眾賓眾兄弟內賓則佐食亦在其中矣祭胙使

之成禮又因以為羞薦羞之節也燕禮之祭薦者大夫

而已既脫屣升席故先羞而後祭所以安之也此則凡

在庭中者皆祭焉又不獨薦而有俎故必先祭乃羞也

告必宗人何庭長也。

乃羞

鄭氏康成曰。羞。庶羞也。下尸。載醢豆而已。賈疏。尸豆。臠炙。

載醢。祝以下降於尸。當去臠炙。此所羞者。自祝主人至於內賓。賈疏。衆賓兄弟。

皆在。無內羞。賈疏。以尸尊尚。可知。無內羞。決之。敖氏繼公曰。此但以羞

為文。則是自尸而下。以至於私臣。皆然也。大夫祭禮。羞

於尸。祝主人主婦。與羞於賓兄弟內賓及私臣。不同。時

又加以內羞。此則一之。亦士禮異也。李氏如圭曰。少

牢下篇云。羞及私人。辨。郝氏敬曰。庶羞。即豕肉為之。

王制曰。庶羞不踰牲。

天子諸侯正祭百物備。故賓長受酢後。薦尸以羞豆。

羞。籩。至。繹祭。而後及於主祭與助祭者。楚茨之詩曰。為

豆孔庶。為賓為客。毛傳以為繹而賓尸及賓客是也。大

夫正祭。羞於尸。庶羞四豆。至賓尸。則尸侑主人主婦內

羞。庶羞兼有之。賓兄弟內賓及私人。亦有庶羞。不賓尸

羞於尸。亦庶羞四豆。致爵後。尸祝主人主婦內羞。庶羞

兼有之賓兄弟以下則無士羞於尸亦庶羞四豆祭齊之後祝主人以下有庶羞而皆無內羞所以明隆殺之等也祝主人以下必有庶羞何也禮無酬而不羞者雖鄉飲射一獻之禮亦有之是皆為飲酒設也

右祭齊乃羞

賓坐取觶阼階前北面酬長兄弟長兄弟在右

正義鄭氏康成曰薦南奠觶 楊氏復曰所取觶即主人酬賓之觶

教氏繼公曰長兄弟在右賓在左各象

其位也

圖此與鄉飲射先酬主人異者庭事非堂事也主人祝並在室中以尸不與酬故主人祝亦不與酬也

圖賈氏公彥曰特牲禮堂下行旅酬無算爵並有在

室中者不與旅酬之事大夫賓尸尸與旅酬不與無算爵故別使二人舉觶于尸侑尸侑得舉為旅酬徧及堂下尸與旅酬者以其賓尸在堂故也若不賓尸堂下無旅酬直行無算爵而已尸不與之以其堂下不設尊堂

上與神靈共尊不得行旅酬。故闕之。此特牲堂下得旅酬無算爵並行者。以其堂下與神靈別尊。故為加爵禮。尸于室中。酌上尊。堂下旅酬行神惠。酌下尊。故大夫賓尸不賓尸。及士之祭禮。旅酬及無算爵。或行或不。皆參差不等也。賓酬長兄弟。長兄弟在右。下文長兄弟酬衆賓長。自左受旅如初。是賓主相酬。主人常在東。各守其位也。其同在賓中。則受酬者在左。鄉飲酒衆賓受介酬者。自介右。鄭注云。尊介使不失故位。衆受酬者。受自左。異其義也。蓋同類之中。受者於左尊右也。

賓奠觶拜。長兄弟答拜。賓立卒。觶酌于其尊。東面立。長兄弟拜受。觶賓北面答拜。揖復位。

鄭氏康成曰。其尊。長兄弟尊也。此受酬者拜亦北面。

賈氏公彥曰。自飲酌已尊。酬人時酌彼尊。各自其

酒。敖氏繼公曰。阼階東之尊。為長兄弟而下設之。故

曰其尊。若彼自有之。然西方之尊亦如之。東面立。變於

鄉飲酒酬者之儀也。鄉飲酒禮。賓東南面。酬主人。主人

西南面酬介。此東面酬長兄弟。亦惟北面受之。下放此。

此時房中內賓長亦舉主婦所酬之觶以酬宗婦。

長兄弟西階前北面。眾賓長自左受旅如初。

鄭氏康成曰初賓酬長兄弟。敖氏繼公曰初謂

奠觶拜受旅者答拜也。

長兄弟卒觶酌于其尊。西面立受旅者拜受長

兄弟北面答拜。揖復位。眾賓及眾兄弟交錯以

辯皆如初儀。

錯七各反

鄭氏康成曰交錯猶言東西。毛氏長曰東西為

交邪行為錯。敖氏繼公曰交錯謂二黨互相酬也。初

儀即上文所言相酬之禮。

飲射禮旅于西階上者皆以次相酬。惟特牲禮互旅

於其階。交酌於其尊。故云交錯。以有子姪兄弟與飲射

翼也以辯亦遂及私人。

李氏如圭曰楚茨云獻酬交錯禮儀卒度笑語卒

獲古者於旅也語謂此時也。孔氏穎達曰旅酬之禮

交錯以至於辯。是得人之歡心以事其先。故神安而報之以福。

右賓與兄弟旅酬

為加爵者作止爵。如長兄弟之儀。為如字

鄭氏康成曰於旅酬之間言作止爵。明禮殺並作。

賈疏堂下庭中行旅酬未訖為加爵者作止爵。故云禮殺並作。賈氏公彥曰前眾賓

長為加爵如初。爵止。今還使為加爵者作止爵。李氏

如圭曰賓酬長兄弟。長兄弟酬賓。二解繼舉。至是禮殺。

故不俟其畢而作止爵。敖氏繼公曰奠解既舉其禮

一終於此可以作止爵矣。不俟再旅者其意亦與三獻

作止爵於獻賓之前者同。

云如長兄弟之儀。則尸亦酢之。又獻祝致爵于主人。致爵於主婦而作于主人矣。既乃降奠觚于篚。

右眾賓長作止爵

長兄弟酬賓。如賓酬兄弟之儀。以辯。卒受者實解于篚。

次定義禮義流 卷三十一 特牲饋食禮

鄭氏康成曰。長兄弟酬賓。亦坐取其奠。觶此不言。交錯以辯。賓之酬不言。卒受者。實觶於篚。明其相報禮。終於此。其文省。賈氏公彥曰。此長兄弟所舉奠。觶卽上弟子舉觶於其長者也。敖氏繼公曰。如謂儀略同耳。其異者。則以意定之。

右兄弟與賓旅酬

賓弟子及兄弟。弟。弟。寸洗。各酌于其尊。中庭北面。西上。舉觶于其長。僉。天。觶拜。長皆答拜。舉觶者祭。卒觶拜。長皆答拜。

正義 鄭氏康成曰。弟子舉觶於其長。所以序長幼。故孝弟。敖氏繼公曰。此舉觶爲無算爵。始中庭。東西之中也。其南北節。則皆少南於其長之前。與西上者。尊賓之弟子也。是時長皆在東西面之位而拜之。卒觶坐。卒觶也。此觶乃代主人舉之。故其儀與鄉飲舉觶者略同。

舉觶者洗。各酌于其尊。復初位。長皆拜。舉觶者皆奠。觶于薦右。

注。今文曰。奠于薦右。

正義 敖氏繼公曰。薦右賓之薦南。兄弟之薦北也。奠于
此者。因其所改奠之處也。緣長者之意。不欲勞其復遷
之。

存異 鄭氏康成曰。奠解。進奠之於薦右。非神惠也。賈疏。無算

爵在下自相勸。故謂非神惠。奠于薦右同於生人飲酒舉者。奠于薦右也。

義 無算爵。正欲賓兄弟之既醉而出。並受其福也。其爲
行神惠也。明甚。注疏因前有神惠右不舉之說。今無算
爵奠右而亦舉。故曲爲之解耳。必如敖說。乃於經例合。

長皆執以興。舉解者皆復位答拜。長皆奠解于
其所。皆揖其弟子。弟子皆復其位。

正義 敖氏繼公曰。執以興亦象受之。其所薦右也。揖揖
之使復其位。鄭氏康成曰。復其位者。東西面位。凡堂

下拜亦皆北面。賈疏云。凡者。賓以下至於私人。拜受送皆北面。

義 奠於薦左。復舉而奠之。薦右明將舉也。奠於薦右。則
無所用其遷矣。第執而奠於其所耳。雖不變易。猶必親
執以明敬也。與鄉飲射同。此時內賓之少者。宗婦之少

者亦各舉觶於其長以爲無算爵始。

爵皆無算

正義鄭氏康成曰。算數也。賓取觶酬兄弟之黨。長兄弟取觶酬賓之黨。唯己所欲亦交錯以辯。無次第之數。因今接會使之交恩。定好優勸之。

存疑敖氏繼公曰。此亦賓先舉奠觶酬兄弟長。交錯以辯。卒飲者洗酌。反奠於故處。長兄弟又舉奠觶酬賓長。亦交錯以辯。卒飲者洗酌。亦反奠於故處。賓及兄弟又迭舉奠觶皆如初。終而復始。故云爵皆無算。其儀與旅酬異者。唯不拜耳。

案敖氏謂賓先舉奠觶旅辯。而後兄弟長復舉奠觶。以此解無算爵。與鄉飲射禮不合。無算爵有二義。一則終而復始。與旅酬之有爵數者不同。一則惟己所欲。與旅酬之以次相酬者亦不同。如敖氏解。則旅酬與無算爵一例矣。或謂下記宗人獻與旅齒於衆賓。佐食於旅齒於兄弟。今注謂無次第何也。曰是惟旅則以齒序耳。非

所論於無算爵也。或又曰。注鄉射無算爵。固云主人之
觶以之次賓。賓長之觶以之兄弟。是明以序相酬矣。曰。
祭禮無算爵。行之堂下者也。賓禮無算爵。先行之堂上。
而後之堂下者也。堂上不以序。勢不能辯及於下。下亦
無躐而旅於在上之禮。行之堂下。交酌於其尊。互旅於
其階。主於飫神之惠而已。故惟已所欲。而不嫌其無等
也。

右弟子各舉觶遂無算爵

利洗散獻于尸。酢及祝。如初儀。降實散于篚。

鄭氏康成曰。利。佐食也。言利以今進酒也。更言獻

者。以利侍尸。禮將終。宜一進酒。嫌於加酒。亦當三也。不

致爵。禮又殺也。賈氏公彥曰。利與佐食。乃有二名者。

以上設俎。啓會爾敦之時。以黍稷爲食。故名佐食。今進

酒。酒以供養。故名利。利卽養也。少牢名佐食。上利執羊

俎。下利執豕俎者。大夫禮文。故卽兩見其名。更言獻者。

上主人獻。主婦獻。賓長三獻。長兄弟加爵。衆賓長加爵。

通利洗散獻尸亦三。尸飲六。而士事尸禮畢也。郝氏敬曰。禮將終告利成。故利終獻以成禮。

右佐食獻尸祝

主人出。立于戶外西面。

正義 鄭氏康成曰。事尸禮畢。敖氏繼公曰。戶外。尸東

少南也。不立于阼。亦變於大夫。

祝東面告利成。

正義 鄭氏康成曰。利。猶養也。共養之禮成。敖氏繼公

曰。東面于戶外之西。

正義 賈氏公彥曰。祝告利成。士在戶外。大夫在階上。天

子諸侯在堂下。鄭氏康成曰。詩禮儀既備。鐘鼓既戒。

孝孫徂位。工祝致告。祭禮畢。孝孫往堂下西面位。祝於

是。致孝孫之意。告尸以利成。孔氏穎達曰。特牲告利

成。卽云尸謏祝前主人降。少牢告利成。卽云祝入尸謏

主人降。此二者皆祝致尸意以告主人也。所以然者。孝

子事尸有尊親之義。命當由尊者出。非主人所當先發。

也。天子彌尊。備儀盡飾。則祝先致尸。意告主人。已乃更致主人之意。以告尸。故鄭箋云。告尸以利成也。其告主人則同。主人報告則有差。

尸謖。祝前主人降。謖所六反

正義鄭氏康成曰。謖起也。前猶導也。少牢饋食禮曰。祝入尸謖。主人降。立于阼階東。西面祝先。尸從。遂出于廟門。前尸之儀。士虞禮備矣。

案士虞禮尸出主人不降者。如尸入時堂上初位也。少牢賓尸。主人送于廟門外者。如其出迎之初位也。此尸入主人立于階下。故其出也亦降。立于階下。如初位與。不賓尸之禮同。

通論鄭氏康成曰。詩云。神具醉止。皇尸載起。鼓鐘送尸。尸即神也。神醉而尸謖。送尸而神歸。尸出入奏肆夏。

案據周官及詩疏。王祭祀尸出。大祝令小祝送尸出廟門。祝不出尸入于次。釋服掌祧受之。尸乃歸堂祧藏。尸隨與其服。

祝反。及主人入復位。命佐食徹尸俎。俎出于廟門。

鄭氏繼公曰。言及見其先入也。**鄭氏**康成曰。俎所載於所俎。少牢禮曰。有司受歸之。朱子曰。詩云。廢徹不遲。以疾爲敬也。

鄭氏先徹所俎者。尸出宜終其事。必言出于廟門者。嫌如少牢正祭。佐食徹所俎。仍降設於阼階南也。

徹庶羞。設于西序下。

鄭氏康成曰。爲將餞去之。尚書傳曰。宗室有事。族人若待終日。大宗已待於賓奠。然後燕私。燕私者何也。已而與族人飲也。此徹庶羞置西序下者。爲將以燕飲與。**賈氏**公彥曰。徹庶羞不入於房。而設於西序下。以擬燕故也。必知祭有燕者。楚茨詩云。鼓鐘送尸。下云備言燕私。**鄭氏**箋云。祭祀畢。歸賓客之俎。同姓則留與之燕。所以尊賓客親骨肉也。大夫當日賓尸。則無燕禮。不賓尸與士禮同。亦當有燕。**敖氏**繼公曰。徹者亦佐食也。

徹庶羞亦改設者。尊尸食故未即去之。西序下其東也。此先徹庶羞亦與大夫禮相變。

庶羞尸入乃加視薦俎敦較輕且下文餽簋鉶而不
及庶羞無所用宜先徹之西序下從其方也與東序下
主人俎豆籩之設相對

鄭氏康成曰自尸祝至於兄弟之庶羞蓋宗子以
與族人燕飲於堂內賓宗婦之庶羞主婦以燕飲於房

右口出

筵對席佐食分簋鉶

敖氏繼公曰筵對席設對席於饌東也此於神席

亦為少北其名義與昏禮之對席同下篇放此簋即敦之異名分簋鉶者以簋分簋實以鉶分鉶羹也鄭氏

康成曰為將餞分之也分簋者分敦黍於會為有對也祭統曰餞者祭之末也不可不知也是故古之人有言

曰善終者如始餞其是已

此時與席未徹敖氏謂設對席略近北是也天子八

簋後以六諸侯六簋。餼以四大夫四簋。餼以二士二簋。則其餼也一而已。知所分爲黍者。以少牢資黍決之。又上文尸親嘏。搏黍而不及稷。在所略也。少牢兩鉶俱餼。此僅分其一。亦降大夫禮分簋之法。鄭敖二說不同。敖氏近之。以鉶無會。則必別以一鉶分之也。鉶既爾。簋亦宜同。

宗人遣舉奠及長兄弟。盥立于西階下。東面北上。

敖氏繼公曰舉奠子姓也。云及長兄弟。則主人之子。位在長兄弟之上。明矣。立于西階下。俟命也。其位蓋在賓之東北。

祝命嘗食。養者舉奠許諾。升入東面。長兄弟對之皆坐。養與餼同。注古文養皆作餼。

鄭氏康成曰命。告也。士使嗣子及兄弟。養其惠。不過族親。賈疏決下篇少牢。二佐食及二賓。長餼。明惠及異姓。敖氏繼公曰。嘗食二字。或當在養者之下。舉奠東面。升尸席也。長兄弟對

次定義禮禮義疏 卷三十一 特牲饋食禮

之升對席也使嗣子養故不敢以賓長對之而使長兄弟也。士以二人養降於大夫者兩也。其養惟以嗣子及長兄弟又與大夫禮相變。郝氏敬曰。命嘗食。尊者猶言命養者嘗食。

祝命嘗食以祖宗之命命之也。不曰餼餘者嫌其近於褻。

鄭氏康成曰。鬼神者祭不獨饗之使人餼之恩澤之大者也。陳氏祥道曰。祭禮利成則尸讓尸讓則命

餼士餼二人故一簋一鉶大夫之餼四人故兩鉶二豆。資黍於羊俎兩端然則諸侯以四簋黍則每變以衆其分而資之可知矣。天子諸侯之餼自君以至百官下而輝胞翟閭之吏皆與焉。以明惠周於境內也。大夫之餼二佐食二賓長而已。以明惠及於其臣也。士之餼舉奠與長兄弟而已。以明惠止於其親也。張子曰。聖人無一事不示教。况廟中有境內之象乎。執事至變朝固已飢矣。故廟中而食其餘。方氏懋曰。祭統云。凡餼之道。

每變以衆故始則君與三卿共四人變而加以兩故大夫六人又變而加以兩故士八人又變則又加以百官蓋以示其惠之愈廣也

○據祭統不言世子餼故先儒有王世子餼諸侯世子不餼避王之說若然則大夫無爲避君矣大抵大夫不世爵故其嗣子旣不敢行舉奠禮自不敢行登餼禮皆嫌其以太夫自居也天子國君繼世則其嗣子旣行舉奠禮自當行登餼禮故記曰其登餼受爵以上嗣尊祖之道也祭統以施惠言入王世子以尊祖言

佐食授舉各一膚

○敖氏繼公曰以膚爲舉亦欲其每食則啗之李氏如圭曰餼者舉膚降於尸也

○俎釋三个將以改餼。謂授餼者惟膚耳。舉莫重於體骨。至膚則有食味之道。蓋與簋黍鉶羹同致其美焉。所以加惠於子孫者。不可同於事祖宗之義也。

主人西面再拜。祝曰。冀有以也。兩膳奠舉于俎。

許諾皆答拜。

鄭氏康成曰。祝告莫釋辭以戒之。言女餒此當有

所以也。以先祖有德而享於此祭。餒其餘亦當以之也。

少牢饋食禮不戒者非親昵也。賈疏謂二佐食與二賓長非親舊說曰

主人拜下餒席南。敖氏繼公曰。主人西面蓋於其位。

俎者上養豕而下養腊與。

上餒主人之子也。父拜之為行禮也。冠禮見于母。母

拜之義與此同。餒者答亦再拜。下執爵拜同。

去是者三。

鄭氏康成曰。丁寧戒之。敖氏繼公曰。所以見主

人殷勤之意也。三者總言之。蓋禮成於三也。然則主人

拜。祝釋辭。暮答拜者。又二也。

皆取舉祭食。祭舉乃食。祭釂食舉。

敖氏繼公曰。祭舉亦振祭齊之。食食乃祭釂。變於

尸。鄭氏康成曰。食乃祭釂。禮殺。賈疏決尸祭釂告旨訖始食。李

氏如圭曰。祭食。實器也。

取舉執於左手。猶尸之左執肺脊也。先祭食乃祭舉者。黍重而膚輕也。啗食而後食舉。亦如尸禮。

立食。主人降洗爵。宰贊一爵。主人升酌。酌上。暮。上暮拜受爵。主人答拜。酌下。暮亦如之。

正義鄭氏康成曰。少牢饋食禮曰。贊者洗三爵。酌。主人

受于戶內。以授次。暮。

賈疏引少牢見此禮亦然。

舊說云。主人北面授

下暮爵。

傳敖氏繼公曰。酌下暮亦東面于其席前之北授之。

主人拜祝曰。醕有與也。如初儀。

正義鄭氏康成曰。主人復拜爲戒也。言女醕此。當有所

與也。與者與兄弟也。謂教化之。敖氏繼公曰。初儀主

人再拜及兩暮許諾也。

兩暮執爵拜。

正義鄭氏康成曰。答主人也。敖氏繼公曰。此著其拜

之異於上者也。凡男子執爵拜。皆左執之。內則曰。凡男拜。尚左手。

祭酒卒爵拜主人答拜兩墓皆降實爵于篚。

正義 敖氏繼公曰上墓將酢乃亦實爵于篚者宜與下

養其終其事不可由便也。

上墓洗爵升酌酢主人主人拜受爵。

正義 鄭氏康成曰下墓復兄弟位不復升也。 敖氏繼

公曰上墓得親酢者尸已出故也此亦變於大夫之禮。

大夫養者不親酢酢主人東面鄉之於其位主人亦西

面拜主人父也上養子也先拜而不以為嫌者以事養

之禮當然與事尸之意微相類。 郝氏敬曰二養卒爵

並降獨上養升酢主人重嗣子也。

案 洗爵升酢主人猶向者舉奠洗復神之奠解也凡酌

酒無不拜受者雖尸之尊猶然燕禮臣獻爵君亦拜受。

父子可推矣。

上墓卽位坐答拜。

正義 鄭氏康成曰既授爵尸內乃就坐。 賈氏公彥曰

主人位在戶內下墓席南西面故上墓授爵於戶內乃

就坐。

義 卽位而後拜送者禮之常。猶鄉飲酒主人拜送必於阼階賓拜送必於西階之類是也。

主人坐祭卒爵拜。上墓答拜受爵降實于筐。主人出立于戶外西面。

正義 鄭氏康成曰。墓禮畢。叔氏繼公曰。戶外亦戶東。

通論 陳氏祥道曰。士墓有戒而大夫之墓不戒。士墓受爵皆拜。大夫之墓受爵不拜何也。大夫之墓不戒以其

非舉奠也。受爵不拜以其非貴者也。

義 士墓以子姓兄弟故主人親視而上墓不復親視。少牢之上墓以賓故上墓親視而主人不復親視。皆相變也。

右墓

祝命徹阼俎豆楮邊設于東序下。

正義 鄭氏康成曰。命。命佐食。阼俎。主人之俎。宗婦不徹

豆籩徹禮略各有爲而已。賈疏。佐食設俎。理應佐。食。豈自徹俎。宗婦贊設豆籩。理應

特牲饋食禮

宗婦徹豆籩以徹禮略。故宗婦豆籩佐食并徹之。云冬有爲而已者。謂宗婦徹祝俎豆籩佐食徹阼俎豆籩各自有爲。何必依前所設之時也。設於東序下亦將燕也。賈氏公彥曰。下文云。佐食徹阼俎堂下俎畢出。文退在下者。欲見先徹室內俎。乃徹堂下也。敖氏繼公曰。阼俎以其設於主人之位而名之也。戶內之東祭時室中之主位也。東序下堂上之主位也。宗婦不徹之者。以改設於東序。非婦人之事也。其設之面位亦如在室。既暮乃徹阼薦俎。亦變於大夫禮。不執心其共其共也。

祝執其俎以出。東面于戶西。

正義

鄭氏康成曰。俟告利成。少牢下篇云。祝告利成。乃

執俎以出。

敖氏繼公曰。不俟改設。戶俎而先出者。亦

異於大夫。此云戶西。則主人立於戶東明矣。賈氏公

彥曰。案有司徹不賓戶。祝執俎出於廟門。有司受歸之。

宗婦徹祝豆籩入于房。徹主婦薦俎。

正義

鄭氏康成曰。宗婦既並徹。徹其卑者。士虞禮曰。祝

薦席徹入于房。

敖氏繼公曰。此所徹者。皆置于房。故

宗婦得為之。不言席。文省。

禮記 賈氏公彥曰宗婦徹祝豆籩入房者為主婦將用

之燕內賓于房。

禮記 豆籩自東房出還徹之入於房宜也諸父兄弟備言

燕私謂燕于廟後之寢也丈夫之燕不於堂則房中蓋

未必有婦人之燕

禮記 鄭氏康成曰周官膳夫凡王祭祀則徹王之胾俎

非俎最尊也其餘則其屬徹之王后受尸之爵飲於房

中之俎則內小臣徹之

佐食徹尸薦俎敦設于西北隅几在南扉用筵

納一尊佐食闔牖戶降祝告利成降出主人降

卽位非符未反

禮記 鄭氏康成曰扉隱也少牢禮曰南面如饋之設

敖氏繼公曰既餞復改設而未卽徹去者重其為神之

餘食也一尊酒尊也納於室中之北墉下必納之者以

酌神之酒於是乎取之故亦改設而未卽徹於徹室中

之饌乃并去之不納玄尊者以其初不用於神也。佐食闔牖戶因後出而爲之。李氏如圭曰釋宮云西北隅謂之屋漏孫炎注云屋漏者當室之北日光所漏入也。**案**少牢不賓尸之改饌有司官徹此則正祭時設薦敦者主婦設俎者佐食至徹而改饌皆佐食爲之殺於大夫又改饌非婦職也士虞禮則以祝主之變於吉祭也設于西北隅凡在南則士之改設而東面者喪祭吉祭皆同所以別於大夫之改設南面也。

鄭氏康成曰不知神之所在或諸遠人乎尸謏而改饌爲幽闇庶其饗之。所以爲厭飫此所謂當室之白。

賈疏謂西北隅得曰之明者

陽厭也則尸未入之前爲陰厭矣。

賈疏謂祭

於與中不得戶明

曾子問曰殤不備祭何謂陰厭陽厭也。

賈疏引之

者證成人備祭陰厭陽厭並有之義

賈氏公彥曰孝子求神非一處故

先爲陰厭後爲陽厭大夫禮陽厭南面此士禮東面雖面位不同當室之白則同。

吳氏澄曰厭者殤祭之名此名不施於正祭也而

鄭氏以祭初饗神于奧爲陰厭。祭末改設于屋漏爲陽厭。後人承其誤。陸氏佃破其說之非是者得之。

祝又告利成爲饗也。饗尸之餘。所以終事神之事。且爲主人降節。故又告焉。筵不布於地。而用以扉。納一尊。

非飲食之道。舊說以此爲陽厭。未必然也。

據曾子問。祭成人者必有尸。而祭殤必厭。陰厭以祭宗子之殤。陽厭以祭凡殤。非以祭祖禰時尸未入之始爲陰厭。尸既出之後爲陽厭也。且厭而以飽飫爲義。則方

始奠而祝饗神。安得遽飽神嗜飲食。尸醉飽而出矣。又何藉以尸食之餘。既饗之後。而以飫神乎。抑扉用筵。闔牖戶。皆尚幽闇之意。於陽厭之義無當也。蓋徹而不遽徹。所以重之。故改設於西北隅。用筵而扉。明示以異於神席之意。則不可謂之陽厭明矣。

右徹改設

宗人告事畢。賓出。主人送于門外。再拜。

鄭氏康成曰。拜送賓也。凡去者不答拜。敖氏繼

公曰門外廟門外也賓既出則婦人亦徹室中之饌與
宗人告有司具則於門外位所以詔入也此告事畢
則於堂下位所以詔出也凡祭者之出入亦以此為節
佐食徹阼俎堂下俎畢出

正義鄭氏康成曰記俎出節兄弟及眾賓自徹而出唯

賓俎有司徹歸之尊賓也敖氏繼公曰阼俎執事俎
之最尊者故其出也以之為節賓長以下各自執之出
以授人既則復反其位郝氏敬曰賓及兄弟以下之

眾俎畢出各以歸也

禮記堂下俎自賓俎而下祭畢乃徹此吉禮之通例與鄉
飲射燕之徹俎乃羞者異矣

祭右禮畢

記特牲饋食其服皆朝服玄冠緇帶緇鞶食音嗣
緇音潮

禮記鄭氏康成曰於祭服此也皆者謂賓及兄弟筮日

筮尸視濯亦立端至祭而朝服朝服者諸侯之臣與其
君日視朝之服大夫以祭今賓兄弟緣孝子欲得嘉賓

尊客以事其祖禰。故服之。緇韠者。下大夫之臣。賈疏上冠禮主

人立冠朝服。緇帶素韠。韠與裳同色。大夫之臣朝服素韠。此緇韠。故云下大夫之臣。夙興主人服

如初。則固立端。敖氏繼公曰。皆者。皆賓與兄弟及公

有司私臣也。助祭必用。而不立端服者。與人之祭宜

盛服也。朝服。立端之衣冠。皮弁之裳。故次於皮弁。而

立端。此緇韠者。其別於大夫助祭之賓與。

○卿大夫士助祭之服。視祭於已之服。皆加一等。故士

之賓兄弟亦如之。所以然者。惟天子不助祭。降而一等

之君無不助祭者。其助祭之服。皆加於已之祭服。所以

明有尊也。則國君之臣視此矣。記曰。卿大夫冠而祭於

公弁而祭於已。士弁而祭於公。冠而祭於已。實則弁而

祭於已者。惟國君耳。若大夫亦冠而祭於已。如少牢之

立冠朝服是也。大夫降而朝服。故士降而立端。蓋自諸

侯以達於士。等而下之。不為屈也。其助祭之服。皆加等。

自士大夫之有司兄弟。推而上之。以達於君。不為僭也。唯尸祝佐食立端。之裳黃裳。雜裳可也。比鳥則韠

正義鄭氏康成曰與主人同服。敖氏繼公曰士尸服
玄端亦以其為卒者之正服也。然則尸服卒者之上服。
唯喪祭耳。祝佐食與主人亦玄端者以其事尸於室。尤
為近之。故服宜與尸同。言玄端玄裳。又言黃裳雜裳可
也者。蓋以賤者或不能備服。故制此禮以通之。孔氏
穎達曰玄裳黃裳雜裳謂玄端之裳也。朝服則素裳。
通論楊氏復曰玉藻云鞞君朱大夫素士爵章蓋天子
諸侯玄端朱裳。故朱鞞大夫玄端素裳。故素鞞士玄裳。
黃裳雜裳可也。故魯鞞。

通論五冕皆上玄下纁。爵弁服亦下纁。記曰衣正色裳閒
色是也。皮弁服則素衣素裳。皆絲為之。記曰三王共皮
弁素積是也。至朝服則緇衣素裳。衣用布而裳則絲矣。
玄端以玄裳為正。而黃裳雜裳亦通用之。故云可也。鄭
氏以玄裳黃裳雜裳分上中下三等。士蓋未必然。

通論孔氏穎達曰諸侯玄冕祭玄冠齊。孤則爵弁祭亦
玄冠齊。齊祭異冠。其三命以下大夫則朝服以祭。士則

玄端以祭。皆玄冠也。記曰。玄冠綦組纓。為士之齊冠。是齊祭同冠。又曰。五冕色俱玄。齊服玄衣玄冠。玄者陰色。鬼神尚幽陰。又曰。鞞從裳色。祭服。大夫以上謂之鞞。士爵弁謂之鞞。鞞。記云。君朱。大夫素。士爵弁。是玄端服之鞞也。又云。一命緇鞞。再命赤鞞。是玄冕爵弁服之鞞也。案詩毛傳。天子鞞純朱。諸侯黃朱。黃朱色淺則亦名赤鞞也。大夫赤鞞。色又淺耳。士緇鞞。緇為赤黃之間。其色淺赤。

釋亦有不從裳色者。如此記朝服素裳而緇鞞是也。

右記祭服

設洗。南北以堂深。東西當東。滌水在洗。東篚在洗西。南順實二爵。二觚。四觶。一角。一散。

鄭氏康成曰。順從也。言南從。統於堂也。二爵者。為賓獻爵止。主婦當致也。

賈疏謂主婦當受致之時。用此爵也。主婦致爵於主人時。不取

堂下。二觚。長兄弟及眾賓。長為加爵。二人班同。迎接並

也。四觶。一酌奠。其二。長兄弟酬賓。享受者。與賓弟子兄

弟子舉觶於其長禮殺事相接賈疏一解酌奠是嗣子雖飲還復神之奠解也

餘有三在兄弟弟子舉觶于長兄弟長兄弟奠于薦北

至為加爵者作止爵時長兄弟生取其奠解酬賓辨卒受者未實解于篚時賓弟子兄弟弟子各舉

解于其長即用其篚二解故三解並用也禮器曰貴

者獻以爵賤者獻以散賈疏利洗散是也尊者舉觶卑者舉角

賈疏大夫尊用爵士卑用角舊說云爵一升觶二升解三升角四升

散五升李氏如圭曰賓獻尸之時爵止主人當致爵

于主婦故爵二也敖氏繼公曰二觶者長兄弟以觶

為加爵因以致于主人主婦既則更之以酢于主人也

壺於禁饌于東序南順覆兩壺焉蓋在南明日

卒奠今從幕用綌即位而徹之加勺復芳屋反幕元作甌舊監本已改正

敖氏繼公曰壺於禁庶壺之於禁也既奠乃設幕

則未酌之前用蓋與鄭氏康成曰覆壺者盥瀝水且

為其不宜塵幕用綌以其堅潔禁言於者祭尚厭飫得

與大夫同器不為神戒也賈疏禮記云大夫用於士用

於禁不為神戒也賈氏公彥曰未奠不設幕卒奠乃設之

特牲饋食記

楊氏復曰奠酌奠奠于鉶南時卽位尸卽席坐時也

籩中以裕也。纁裏棗烝栗擇。

正義鄭氏康成曰舊說纁裏者皆玄被烝擇互文。敖

氏繼公曰籩用巾謂既實而陳之之時也。及將設則去之。獨籩用巾者以其未卽設故爲禦塵。此巾云纁裏則。是凡巾皆複爲之矣。

通論孔氏穎達曰內則棗曰新之。栗曰撰之。棗易有塵。俟恒治拭之使新。栗蟲好食宜數數揀撰省視之。

鉶用苦若薇皆有滑。夏葵冬苴。苴音桓注今文苦爲苴

正義鄭氏康成曰苦苦茶也苴苴屬乾之冬滑於葵詩

云周原膾膾苴茶如飴。敖氏繼公曰此無羊鉶故豕

鉶亦得用苦然則鉶之異者非爲各有所宜也。士虞

禮記云有柶。孔氏穎達曰夏秋用生葵冬春用乾苴。

方氏慤曰苴苴其性滑周官所謂調以滑者此也。

棘心七刻

正義鄭氏康成曰刻若今龍頭。敖氏繼公曰喪祭七

用桑吉祭七用棘者喪桑音同吉棘聲近故也

牲爨在廟門外東南魚腊爨在其南皆西面饎爨在西壁

正義 敖氏繼公曰士喪禮云為殓于西牆下又吉凶之

饎爨皆近於壁以是例之則凡門外之爨亦在牆下明

矣士饎爨在內者以宗婦主其事也大夫則以廩人為

之故其爨亦在門外 鄭氏康成曰饎炊也西壁堂之

西牆下舊說云南北直屋枱賈疏爾雅釋宮檐謂之枱 孫氏云謂屋枱周人謂之

招齊人謂之檐稷在南

所俎心舌皆去本末午割之實于牲鼎載心立

舌縮俎去起呂反

正義 鄭氏康成曰午割從橫割之亦勿沒賈疏不絕中央少許 立

縮順其性心舌知食味者欲尸之饗此祭是以進之

賈氏公彥曰少牢舌載於所俎橫之此言縮俎者彼據

俎上為橫此據鄉人為縮 敖氏繼公曰既實牲體于

鼎乃制此而實于其上載謂載于所俎心舌皆當牲體

之中。爲內體之貴者。故不他用。而專以進於尸。又見少牢禮。

升鼎與載俎其位置皆同。少牢云其載于所。如初爲之于爨也。

賓與長兄弟之薦自東房其餘在東堂。

鄭氏康成曰東堂東夾之前近南。敖氏繼公曰

經惟云豆籩鉶在東房蓋主於尸者也。此又見賓與長

兄弟之薦則祝主人主婦之薦亦在東房矣。賓賓長也。

其餘次賓次兄弟而下。與內兄弟及公有司私臣也。公

有司私臣有俎。則有薦可知。少牢私人有薦。齊

堂下之薦惟賓與長兄弟先薦于階上。自東房出。所

以異之也。

右記陳設器物

沃尸盥者一人奉槃者東面執匱者西面淳沃

執巾者在匱北

奉芳重以反淳之純反今文淳作激熬云者一人三字疑衍

鄭氏康成曰匱北執匱者之北亦西面每事各一

人淳沃稍注之。郝氏敬曰。澆灌曰沃。細瀉曰淳。

案內則曰。進盥。少者奉槃。長者奉水。請沃盥。盥卒授巾。約進盥于尊者之禮皆如此。

宗人東面。取巾振之三。南面授尸。卒執巾者受。

正義鄭氏康成曰。宗人代授巾。庭長尊。敖氏繼公曰。

振之三。爲去塵敬也。宗人授巾。尊尸也。卒。謂已挽手受巾。亦以簞。少牢禮曰。卒盥。坐奠簞。取巾。興振之三。以授尸。坐取簞。興以受尸巾。

尸入。主人及賓皆辟位。出亦如之。辟音避

正義敖氏繼公曰。入。入門也。出。出戶也。言主人及賓。則

兄弟之屬在其中矣。

嗣舉奠。佐食設豆鹽。

正義鄭氏康成曰。肝宜鹽也。敖氏繼公曰。置鹽於豆。

而設於舉奠之前。爲其食肝也。

佐食當事。則戶外南面。無事。則中庭北面。

正義鄭氏康成曰。當事。將有事而未至。

凡祝呼佐食許諾。

正義鄭氏康成曰呼猶命也。

而右記執事者之次即

宗人獻與旅齒於衆賓。

正義鄭氏康成曰齒從其長幼之次尊庭長。敖氏繼

公曰記末云公有司獻次衆賓宗人亦公有司也乃齒於衆賓者所謂有上事者貴之也。

佐食於旅齒於兄弟。

正義敖氏繼公曰佐食已獻于室中故獻兄弟時不與

而但與其旅酬也云齒於兄弟則士之佐食亦其兄弟明矣。

右記宗人佐食獻旅之次

尊兩壺于房中西墉下南上。

正義鄭氏康成曰爲婦人旅也其尊之節亞西方。賈疏亦先

尊東方經云尊兩壺于阼階東西方亦如之西方是賓以其男子故在前設尊此處爲房中婦人設尊故知亞次西方。敖氏繼公曰兩壺皆酒南上者以其先酌在南

者與。

房內設兩壺。一為內賓。一為宗婦也。兩壺皆酒而云南上者。尊內賓。下云內賓立于其北。則壺在西墻下之南。

內賓立于其北。東面南上。宗婦北堂。東面北上。

鄭氏康成曰。二者所謂內兄弟。內賓姑姊妹也。賈疏

姑姊妹之類。宗婦。族人之婦。其夫屬於所祭為子孫。或南

上。或北上。宗婦宜統於主婦。主婦南面。北堂中房而北。

賈疏。房中以敖氏繼公曰。內賓立於尊北。記者蓋取

北為北堂。尊為節。而見其位之所在耳。其實內賓之位。已定於不設尊之先。

主婦及內賓宗婦亦旅。西面。

鄭氏康成曰。西面者。異於獻也。男子獻於堂上。旅

於堂下。婦人獻於南面。旅於西面。內賓象眾賓。宗婦象兄弟。其節與其儀依男子也。主婦酬內賓之長。酌奠于薦左。內賓之長坐取奠于右。宗婦之少者舉解於其長。

婦亦如之內賓之長坐取奠觶酬宗婦之長交錯以辯。

宗婦之長亦取奠觶酬內賓之長交錯以辯內賓之少

者宗婦之少者各舉觶于其長並行交錯無算其拜及

飲者皆西面于主婦之東南賈疏不背主婦又得邪角相向敖氏繼

公曰此旅酬之儀雖與在庭者略同然亦不能無少異

主人既酢內兄弟主婦則酬內賓之長酌奠于薦左內

賓之長坐取之奠于右及兄弟舉旅之時內賓之長亦

取奠觶以酬主婦主婦以酬次內賓次內賓以酬宗婦

之長亦交錯以辯內賓宗婦之少者又各舉觶于其長

以為無算爵始亦交錯以辯皆不拜略如鄉射無算爵

之儀然則房中之篚其實一爵三觶與

宗房中相酬之儀敖說與注微不同敖氏為密

宗婦贊薦者執以坐于戶外授主婦

禮記敖氏繼公曰此儀已見於經而記復著之蓋備載

其所聞耳

禮記重明之者見室中地窄授受者多於戶外也士虞記

主人有事。宗人戶外詔相。上文佐食當事未至。則立于戶外。皆此意也。

右記房中及宗婦贊薦之事

尸卒食。而祭饔饗雍饗。

正義 鄭氏康成曰。雍。孰肉。以尸享祭。竈有功也。舊說云。

宗婦祭饔饗亨者。祭雍饗。賈疏。周官亨人。其職主饗亨之事。用黍肉而

已。無籩豆俎。禮器云。饗者。老婦之祭。賈疏。彼注。老婦先炊者也。盛於

盆。尊於瓶。敖氏繼公曰。此以尸享祭而祭竈。亦見其

尊尸之意。牲魚腊之饗。皆謂之雍饗。少牢禮曰。雍饗在

門東南。北上。

圖 孔氏穎達曰。祝融。古火官之長。是竈之神。常祀在

夏有俎及籩豆。設於竈陲。又延尸入奧。以先炊老婦配

之。饗者。宗廟祭後。直祭先炊老婦之神。在於饗竈而已。

所以不同。

右記祭饗

賓從尸。俎出廟門。乃反位。

正義 鄭氏康成曰賓從尸。送尸也。士之助祭終其事也。

俎尸俎也。賓既送尸。復入反位者。宜與主人為禮。乃去

之。賈氏公彥曰。大夫有賓尸者。尸出賓不送。以其事

終於賓尸故也。

右記賓送尸之節

尸俎。右肩臂。臑。肫。胙。正脊。二骨。橫脊。長脅。二骨。

短脅。臑乃報反。肫同。膊音純。胙音格。

正義 鄭氏康成曰。尸俎。神俎也。士之正祭禮九體。取於

大夫。有併骨二。亦得十一之名。合少牢之體數。此所謂

放而不致者。凡俎實之數。奇脊無中。脅無前。取於尊者。

賈疏。決少牢三脊。脅俱有。此但有二體。不取正脊。不奪正也。賈疏。長脅亦

正脊。同。正脊二骨。長脅二骨者。將舉於尸。尸食未飽。不欲

空神俎。賈疏。欲尸既舉脊脅。猶有脊脅在不空神俎。楊氏復曰。凡牲體四

肢為貴。故先序肩臂。臑。膊。胙於上。然後序脊脅於下。

敖氏繼公曰。長脅即正脅也。士之祭。其俎豆之屬。既取

於大夫者二。其俎實之脊脅之骨。又各取其半。皆降殺

以兩之意也。

案脊脅比少牢殺其二。比士虞則加其二。隆吉祭也。

通論賈氏公彥曰。凡俎實之數。有九有七有五。皆是奇數。以其鼎俎奇。故實數亦奇而相稱。揚氏復曰。牲體去兩髀不升。合左右兩相爲十九體。神俎不用左體。故少牢只用右髀。不合兩相爲十一體。特牲於右髀十一體之中。不用脰脊代脅。故爲九體。士虞喪祭於左髀十一體之中。去脰脊橫脊短脅代脅。故爲七體。

膚三

正義敖氏繼公曰。特牲無膚俎。故以膚附於牲俎焉。二者亦貶於大夫之尸也。凡膚與牲體同在尸俎者。大夫五士三。少牢下篇言尸之豕脅膚五是也。大夫以上。膚若別俎。則若七若九。以差而加之。鄭氏康成曰。爲菘用二厭。餼一也。

案注謂膚三。皆有以用之。但士虞不行餼禮。其膚祭亦三。當以敖氏之說爲正。

通論 陳氏祥道曰。牛羊有腸胃而無膚。豕有膚而無腸胃。豕雖有膚。然四解而未體折。無膚。豚而未成牲。無膚。士喪禮。豚皆無膚。以未成牲故也。大遣奠。無膚。少牢。四解無膚。以未體折故也。士虞禮。膚祭三。取諸左臙上。鄭康成曰。膚。脅革肉。蓋豕肉之美者。不過脅革肉而已。故禮於膚。皆謂之倫膚。

離肺一。

正義 鄭氏康成曰。離。猶挫也。小而長。午割之。亦不提心。

謂之舉肺。

刊肺三。

刊七本反注。今文刊為切。

正義 鄭氏康成曰。為尸主人主婦祭。敖氏繼公曰。祭肺。或言刊。或言切。皆見其制也。

魚十有五。

正義 鄭氏康成曰。魚。水物。以頭枚數。陰中之物。取數於月十有五。日而盈。少牢饋食禮亦云。十有五而俎。尊卑同。此所謂經而等也。敖氏繼公曰。此盛祭禮也。

鈔定傳禮義疏 卷三十一
通論 孔氏穎達曰。曲禮。橐魚曰商祭。祭用乾魚。商度燥濕得中而用之。陳氏祥道曰。魚非正牲。故其俎在牲體之下。以其陰類從月。特牲少牢尸俎皆十有五。取盈數於三五故也。若夫飲食之禮。則不然。公食大夫魚。與腸胃倫。膚若九。若十有一。下大夫若七。若五。則一命之魚七。再命九。三命十有一。天子諸侯魚數不見於經。先儒謂諸侯十有三。天子十有五。理或然也。士昏禮魚十有四。攝盛也。其加不至十有五者。貴偶也。

腊如牲骨。

鄭氏康成曰。不但言體。以有一骨二骨者。賈氏公彥曰。言牲骨。則一骨二骨兼在其中。敖氏繼公曰。惟云骨而不言體者。骨可以該體。而體不可以該骨也。言骨則體在其中矣。

陳氏祥道曰。禮有藁腊。有鮮腊。有全腊。有半腊。聘禮賓之飪鼎。有鮮腊。上介之飪鼎。無鮮腊。公食禮。上大。夫之俎。加鮮腊。下大夫亦無鮮。而昏禮腊必用鮮。則用。

鮮者禮之隆也。少牢鼎腊一純，特牲士冠昏皆用全。士喪殯奠士虞，胖而已不用全者，禮之畧也。周官獸人凡獸入於腊人，腊人掌乾肉，蓋折而乾之曰脯，全而乾之曰腊。脯在邊，腊在俎，脯常先於醢，腊常亞於魚。

祝俎髀脰脊三骨，脅二骨，膚一，離肺一。

正義鄭氏康成曰：凡接於神及尸者，俎不過牲三體。賈疏

言凡者，祝佐食賓長。長兄弟宗人之等。以特牲約，加其可併者二，亦得奇名。少牢饋食禮，羊豕各三體。賈疏：少牢二牲，故祝俎無加。

彥曰：特牲加其可併者二骨，是尊祝也。佐食已下，卑無加。下注云：三體，卑者從正。敖氏繼公曰：髀，謂右髀，亦

用尸俎之不升者也。脅，代脅也不見之者。上言脰脊，則此為代脅可知矣。祝脊脅用二骨，見其尊於執事者也。此離肺，膾肺也。祝祭以離肺，其義與虞禮同。

陣俎，膾正脊二骨，橫脊長脅二骨，短脅膚一，離肺一。

正義鄭氏康成曰：主人尊得祝之加數五體，又於其可

次定儀禮通考 卷三十一 特牲饋食記

併者二。亦得奇名。臂。左體臂。賈氏公彥曰。脊骨多。不

嫌與尸同用右體。猶脊然也。敖氏繼公曰。胾俎尊乃

不用左肩。而用左臂者。屈於尸也。脊脅。非體也。故得與

尸同。以伸其尊。亦以特牲之俎實少故耳。少牢俎實多。

故主人主婦脊脅皆減於尸。

特牲。主人既辟尸。不用左肩。其餘諸俎。亦未見有用

左肩者。豈分以為殺胾之用。而少牢所謂其胾體儀者。

雖餘骨亦必儀度其貴賤。而以次進之與。

主婦俎。殼折其餘如胾俎。殼苦角反。又尸角反。

鄭氏康成曰。殼後足。賈疏案士喪記。明衣裳長反。殼注云。殼足。跗是殼後足也。

折分後右足。以為佐食俎。不分左臠。折辟大夫妻。賈疏少牢

主婦用左臠。此士妻辟之用。後右足。不用後左足者。左足大卑故也。餘謂脊脅膚肺。敖

氏繼公曰。凡牲固皆折也。然經文之例。其先言體。乃言

折。或單言折者。必非正體者也。蓋與折俎之說

不同。主婦俎之脊脅。其名不必盡與胾俎同。乃云如胾

俎者。亦大畧之言也。少牢胾俎脊脅皆宰。主婦俎之脊

脊但用羊也。則此可知矣。

佐食俎。殼折。脊脅。膚一。離肺一。

正義鄭氏康成曰。三體卑者從正。賈氏公彥曰。直云

脊脅。不定體名。欲見得使用之。敖氏繼公曰。殼非正

體。折骼之下而取之。故云殼折。主婦俎與佐食同用殼

而主婦尊於佐食。則主婦右。佐食左與。

賓骼。長兄弟及宗人折其餘如佐食俎。

正義鄭氏康成曰。骼左骼也。賓俎全體。尊賓不用尊體

為其已甚卑而全之。長兄弟及宗人折。不言所分。畧之

敖氏繼公曰。凡骼與殼連。乃為全體。上文兩見殼折。

則此骼亦非全體矣。不言骼折者。以其可知。不必言也。

長兄弟及宗人折。亦謂折分其全體也。不言其體者。或

以其所用者不定。故與其餘。謂脊脅膚肺。李氏如圭

曰。衆賓長兄弟為加爵。宗人庭長授巾。皆接尸。故亦三

體。

正義殼骼。敖說與注不同。疑敖氏得之以殼踐地。既賤而

又小若以一殼折而爲二。則不成體矣。主婦尊。佐食接神亦貴。不應太簡。乃爾也。

衆賓及衆兄弟。內賓宗婦。若有公有司。私臣皆殺胔。膚一。離肺一。

正義

鄭氏康成曰。此所折骨。直破折餘體。可殺者升之。

俎一而已。不備三者。賤祭禮。接神者貴。

賈疏講長兄弟及宗人已上。俎

皆三體以接神及尸貴也。

凡骨有肉曰殺。祭統曰。凡爲俎者。以骨爲

主。貴者取貴骨。賤者取賤骨。貴者不重。賤者不虛。示均

也。俎者所以明惠之。必均也。善爲政者如此。故曰見政事之均焉。賈氏公彥曰。不言折而言殺。胔又畧矣。自

衆賓以下。賤不接尸神。其俎折體而已。敖氏繼公曰。

公有司。公家所使。給私家之事者也。私臣。私家之臣。或

已所自有。或假於他家。皆是也。云若有者。不定之辭。祝

宗人。亦公有司也。已見其俎於上。若有之文。主於殺胔

者耳。此俎無脊脅者。以其或用脊。若脅爲殺胔故也。

李氏如圭曰。禮器云。羔豚而祭。百官皆足。此之謂稱。

春秋傳以折俎爲殺胥則殺胥者體解之通稱對郊禘之全胥言也。此記云殺胥是俎體之最略者。承上文三體五體言也。牲體以四肢爲貴。脊胥次之。就四體而論。殷人貴後。周人貴前。故前體爲貴。而後體次之。就前體而論。肩最貴。臂次之。臠又次之。其序自上而下也。就後體而論。髀爲貴。肫次之。髀爲下。其序自下而上也。此篇歷序俎之牲體。并詳其體之爲全爲分。數之或多或少。或而廟中執事之尊卑。又因而見焉。體有貴賤。而用全

公禮者爲隆。如尸俎之全用右肩臂。臠肫髀。祝俎之全用右髀。胙俎之全用左臂。是也。其次則不用全而用半。如主婦佐食。俎之用穀。折是也。又其次則儀度其可用者用之。而并不言半矣。如長兄弟及宗人俎。用折是也。又其次則雜用餘體之可殺者。而并不言折矣。衆賓衆兄弟以下之殺胥是也。殺胥之數一而已。等而上之。是有上事者也。其體之數有三焉。若賓長兄弟及佐食宗人。是也。又等而上之。是爲神尸。將命相禮者也。其體三而

加其可併者二則有五焉。祝是也。又等而上之。是爲宗廟主者也。其體五。而加其可併者二。則有七焉。主人主婦是也。又等而上之。則爲所祭者。其體九。而加其可併者二。則十有一焉。尸是也。而一牲之體。其不用者。亦僅矣。由士禮而推之。大夫由大夫禮而達之。諸侯天子。雖經闕有閒。其隆殺之等。亦可想見云。

右記俎實

公有司門西北面。東上。獻次。而外賓私臣門東北

面西上。獻次。兄弟升受降飲。

禮記鄭氏康成曰。獻在後者。賤也。祭祀有上事者。貴之。

亦皆與旅。賈疏。上宗人獻與旅。齒於衆賓。佐食於旅。齒於兄弟。此但言獻次不言旅。以宗人佐食約

之。亦皆與旅者。亦此二人也。賈氏公彥曰。祭祀擇取公有司可執

事者。如舉鼎七載之類。爲衆賓。門外在有司羣執事中

入門列在西方。東面。餘者在門西北面位。兄弟雖無上

事。亦皆在東方。西面位。族親故也。私臣之中。擇爲賓者

使爲佐食。前文佐食北面立於中庭。注云。佐食賓佐凡

食者是也。其餘獻在兄弟後者，職賤也。一敖氏繼公曰：門西者尚右，門東者尚左，亦各變於東面西面之位者也。獻公有司於西階上，私臣於阼階上，其受爵則惟二者之長拜於下，乃升受，主人答拜，乃降飲，餘皆不拜。郝氏敬曰：公有司，賓屬門西，賓位也。私臣，主屬門東，主位也。

惟佐食齒於兄弟，其餘私臣不敢齒於兄弟，自不敢齒於衆賓，而凡廟中異姓之賓，擇之公有司者為多矣。

賈氏公彥曰：天子諸侯祭祀，其位無文，以此經例之，同姓無爵者在阼階前，西面北上，祭統曰：昭與昭齒，穆與穆齒，凡羣有司皆以齒也。其有爵者則以爵序之。文王世子：其在外朝則以官，其在宗廟之中則如外朝之位，宗人授事以爵，以官是不以姓也。郊西階前東面北上，大夫門東北面，士門西北面，旅食在其後，少牢下篇云：衆賓位在門東北面，既獻在西階西南，衆賓繼上賓而南，天子諸侯之賓，其位或依此與。

公有司私臣為大夫士言之也。若天子諸侯則助祭者皆臣。何公私之有。疏引文王世子謂天子諸侯宗廟之中。如外朝之位。同姓亦以爵序是也。謂阼階上者皆無爵則恐未然。戚戚兄弟。君子篤焉。胡概齒於齊民也。助祭者必選擇而後與。雖有庶人在列者。或寡矣。西則冕服。而東皆布衣。天潢不太無色乎。蓋異姓之賓專以爵。同姓之兄弟亦先以爵。爵同而後以昭穆。昭穆同而後以齒。三公六卿與五等之諸侯最在上。而大夫士以次位焉。其侯國之卿大夫入天子之廟。則在門東門西北面之位。與若然。則如外朝之位者。亦大畧如之。不可盡拘以朝士之法也。

右記公有司私臣位及受獻之次

